

**OFFICE OF THE
HIGH REPRESENTATIVE**

Emerika Bluma 1, 71000 Sarajevo
Tel: 387 71 447275 Fax: 387 71 447420

- radni prijevod -

15. avgust 2000. godine

Gosp. Mersudin Kožo
Načelnik Općine Goražde
Bosansko-podrinjski kanton
Federacija Bosne i Hercegovine

OHR - RRTF - HR / OCG

Poštovani gospodine Kožo,

Obraćam Vam se u vezi sa Vašim pismom od 28. jula 2000. godine u kojem tražite pismeno izuzeće od Odluke Visokog predstavnika od 27. aprila 2000. godine, kojom se zabranjuje dodjela zemljišta u društvenom vlasništvu.

Konkretno, Općina Goražde traži od ovog ureda da ovlasti Općinu Goražde da, u svrhu izgradnje ambulate porodične medicine, dodijeli Domu zdravlja "Dr. Isak Samokovlija" 401 m² općinskog zemljišta, registrovanog u zemljišnim knjigama kao park. Pored toga, Općina Goražde traži izuzeće OHR-a za dodjelu poslovnog prostora u Osanici istom korisniku. U vezi sa ovim, tvrdite da je ambulanta porodične medicine, smještena u spomenutom općinskom poslovnom prostoru u neposrednom prijeratnom periodu, bila u potpunosti uništena tokom rata, tako da je poslovni prostor, nakon rata, dodijeljen na korištenje gospodinu Halilović Uzeiru. Po isteku ugovora sa gospodinom Halilovićem, Općina Goražde je ponovo preuzela poslovni prostor, te smatra da je ova dodjela tog prostora Domu zdravlja u najboljem interesu javnosti. Takođe ste naveli da su Općinski odjel za urbanizam i Općinsko vijeće Goražda odobrili obje dodjele, te da nema neriješenih sporova između Općine i ranijeg korisnika poslovnog prostora.

U svjetlu informacija koje ste nam pružili, ovaj ured daje dozvolu Općini Goražde da izvrši dodjelu gorepomenutog zemljišta i poslovnog prostora u goreopisanu svrhu.

S poštovanjem,

(potpisao:)

Gary F. Collins

Vodja tima za imovinska pitanja

Odjel za ljudska prava i vladavinu zakona